

PENGGUGURAN JANIN BAGI MEMELIHARA KESIHATAN & KESELAMATAN MENURUT PERUNDANGAN ISLAM

Dr. Arieff Salleh bin Rosman

Felo Fatwa Jawatankuasa Fatwa Majlis Kebangsaan Bagi Hal Ehwal
Ugama Islam Malaysia (MKI) /
Pengarah Pusat Penyelidikan Fiqh Sains & Teknologi (CFiRST)
Universiti Teknologi Malaysia

- 1 PENDAHULUAN**
- 2 PERINGKAT PERKEMBANGAN JANIN**
- 3 HUKUM MENGGUGURKAN JANIN**
- 4 FATWA DI MALAYSIA BERKAITAN ISU
PENGUGURAN JANIN**

PENDAHULUAN

- ✓ Perundangan Islam merupakan **keadilan dan kasih sayang Allah** untuk hambaNya.
- ✓ Allah SWT yang maha pemurah dan maha penyayang, menyediakan bagi hambaNya **panduan hidup yang sempurna** bagi **menjamin keharmonian dan kesejahteraan hidup**.
- ✓ Allah; Pencipta segala makhluk, **maha mengetahui segala keperluan makhlukNya**, menyediakan untuk makhlukNya Syariat yang menjadi panduan hidup.
- ✓ Oleh itu, Perundangan Islam merupakan **perundangan dan undang-undang yang sesuai bagi setiap masa dan tempat** bagi menyelesaikan segala permasalahan umat manusia.
- ✓ Kertas kerja ini akan membincangkan isu hukum dan fatwa berkaitan pengguguran janin bagi memelihara kesihatan dan keselamatan.

PERINGKAT PERKEMBANGAN JANIN MENURUT AL-QURAN

Firman Allah dalam al-Quran: surah al-Haj ayat 5

... فَإِنَّا خَلَقْنٰكُمْ مِّن تَرَابٍ ثُمَّ مِّن نُّطْفَةٍ ثُمَّ مِّن عِلْقَةٍ ثُمَّ مِّن مُّضْغَةٍ مُّخَلَّقَةٍ وَغَيْرِ
مُخَلَّقَةٍ لِّنُبَيِّنَ لَكُمْ^ج وَنُقَرِّ فِي الْأَرْحَامِ مَا نَشَاءُ إِلَىٰ أَجَلٍ مُّسَمًّى ...

Maksud:


"Kami telah menciptakan kamu dari tanah, kemudian dari setitis air benih, kemudian dari sebuku darah beku, kemudian dari seketul daging yang disempurnakan kejadiannya dan yang tidak disempurnakan; (Kami jadikan secara yang demikian) kerana Kami hendak menerangkan kepada kamu (kekuasaan Kami); dan Kami pula menetapkan dalam kandungan rahim (ibu yang mengandung itu) apa yang Kami rancangkan hingga ke suatu masa yang ditentukan lahirnya."

PERINGKAT PERKEMBANGAN JANIN MENURUT HADIS

- "Abu Abdul Rahman; Abdullah bin Mas'ud berkata, "Nabi Muhammad, orang yang paling benar dan paling dipercayai, pernah memberitahu kami, 'Sesungguhnya setiap orang daripada kalian dicipta di dalam perut rahim ibunya selama 40 hari dalam bentuk titisan air mani (nutfah), kemudian dia menjadi segumpal darah ('alaqah) selama 40 hari juga, lalu menjadi seketul daging (mudghah), juga selama tempoh yang sama. Kemudian Allah menghantar malaikat supaya meniupkan roh kepadanya. Malaikat itu diberikan 4 perintah, iaitu supaya menuliskan rezekinya, ajalnya, amal perbuatannya dan sama ada dia akan sengsara ataupun bahagia..."

Hadis sahih direkodkan oleh Imam Bukhari dan Muslim.

PERINGKAT PERKEMBANGAN JANIN MENURUT AL-QURAN & HADIS



HUKUM MENGGUGURKAN JANIN


- Surah al-An'am, ayat 151

﴿ قُلْ تَعَالَوْا أَتْلُ مَا حَرَّمَ رَبُّكُمْ عَلَيْكُمْ ۖ أَلَّا تُشْرِكُوا بِهِ شَيْئًا ۚ وَبِالْوَالِدَيْنِ إِحْسَانًا ۚ وَلَا تَقْتُلُوا أَوْلَادَكُمْ ۖ إِنَّكُمْ مِّنْ إِمْلَاقٍ ۚ نَّحْنُ نَرْزُقُكُمْ وَإِيَّاهُمْ ۚ وَلَا تَقْرَبُوا أَلْفَاوِحَ مَا ظَهَرَ مِنْهَا وَمَا بَطَنَ ۚ وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ ۚ ذَٰلِكُمْ وَصَّيْتُكُمْ بِهِ ۚ لَعَلَّكُمْ تَعْقِلُونَ ﴾

HUKUM MENGGUGURKAN JANIN

- Katakanlah: "Marilah, supaya aku bacakan apa yang telah diharamkan oleh Tuhan kamu kepada kamu, iaitu janganlah kamu sekutukan dengan Allah sesuatupun; dan hendaklah (kamu) membuat baik kepada ibu bapa; dan janganlah kamu membunuh anak-anak kamu kerana kepapaan, (sebenarnya) Kami lah yang memberi rezeki kepada kamu dan kepada mereka; dan janganlah kamu hampiri kejahatan-kejahatan (zina) - yang terang daripadanya dan yang tersembunyi; dan janganlah kamu membunuh jiwa yang telah diharamkan Allah (membunuhnya) melainkan dengan jalan yang hak (yang dibenarkan oleh Syarak). Dengan yang demikian itulah Allah perintahkan kamu, supaya kamu memahaminya.

HUKUM MENGGUGURKAN JANIN



FATWA DI MALAYSIA BERKAITAN ISU PENGUGURAN JANIN

1) Pengguguran Kandungan Atas Nasihat Doktor Disebabkan Kecacatan

- **Keputusan:**

Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia yang bersidang kali ke-26 di Bilik Mesyuarat, Tingkat 11, Perbadanan Kemajuan Ekonomi Negeri Perlis, Kangar pada 7-8 Mac 1990 telah membincangkan isu Pengguguran Kandungan Atas Nasihat Doktor Disebabkan Kecacatan dan telah bersetuju memutuskan seperti berikut:

"Adalah haram menggugurkan janin di dalam kandungan kecuali atas sebab-sebab kecacatan yang teruk yang boleh membahayakan nyawa ibu."

FATWA DI MALAYSIA BERKAITAN ISU PENGUGURAN JANIN

2) Hukum Menggugurkan Kandungan Mangsa Yang Dirogol

- **Keputusan:**

Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia yang bersidang kali ke-52 di Dewan Syura JAKIM Putrajaya pada 1 Julai 2002 telah membincangkan isu Hukum Menggugurkan Kandungan Mangsa Yang Dirogol dan telah bersetuju memutuskan seperti berikut:

- 1) Haram menggugurkan kandungan janin yang telah berumur lebih 120 hari kerana pengguguran itu dianggap satu jenayah bunuh ke atas janin yang telah ditiupkan roh kecuali pengguguran itu untuk menyelamatkan nyawa ibu.
- 2) Pengguguran janin yang berumur sebelum 120 hari adalah harus sekiranya janin itu cacat dan penyakit yang teruk yang boleh membahayakan nyawa ibu.”

FATWA DI MALAYSIA BERKAITAN ISU PENGUGURAN JANIN

3) Cadangan Menggugurkan Janin Pembawa atau Pengidap Penyakit Thalassaemia

- **Keputusan:**

Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia yang bersidang kali ke-52 di Dewan Syura JAKIM Putrajaya pada 1 Julai 2002 telah membincangkan isu Cadangan Menggugurkan Janin Pembawa atau Pengidap Penyakit Thalassaemia dan telah bersetuju memutuskan seperti berikut:

- 1) Makruh menggugurkan janin yang berumur antara satu hingga 40 hari sekiranya tidak mendatangkan bahaya pada ibu dan mendapat persetujuan kedua-dua suami isteri.
- 2) Pengguguran janin yang berumur sebelum 120 hari adalah harus sekiranya janin itu cacat dan berpenyakit yang boleh membahayakan nyawa ibu.
- 3) Pengguguran janin yang telah berumur 120 hari atau lebih adalah haram kerana pengguguran itu dianggap satu jenayah ke atas janin yang telah ditiupkan roh kecuali pengguguran itu untuk menyelamatkan nyawa ibu atas sebab kecacatan yang teruk.

**SEKIAN
TERIMA KASIH**

